



Sud Bosne i Hercegovine

Суд Босне и Херцеговине

Broj: Su-08-233/18

Datum: 26.07.2018.godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05) na preporuku Stalne komisije za javne nabavke Suda BiH broj: Su-08-232/18 od 26.07.2018. godine u postupku javne nabavke usluge održavanja mrežne i serverske opreme – **50312610-4**, donosim

ODLUKU

o izboru najpovoljnijeg ponuđača za uslugu održavanja mrežne i serverske opreme

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-232/18 od 26.07.2018. godine i Ugovor za nabavku usluge održavanja mrežne i serverske opreme - oznaka i naziv iz JRJN: **50312610-4** (održavanje opreme za informacijsku tehnologiju), dodjeljuje se ponuđaču „**MIBO KOMUNIKACIJE**“ d.o.o. Sarajevo, sa sjedištem na adresi Tvornička 3, a ponuda ovog ponuđača broj: PON-1242/18 od 25.07.2018 godine za ponudenu cijenu od **7.680,00 KM** bez PDV-a, kao najbolje ocijenjena ponuda.

član 2.

Ugovor o nabavci dostaviti će se na potpis izabranom ponuđaču „**MIBO KOMUNIKACIJE**“ d.o.o. po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke usluge održavanje mrežne i serverske opreme broj: Su-08-192/18 od 10.07.2018. godine. Javna nabavka je provedena putem Konkurentskog zahtjeva za dostavu ponuda broj: Su-08-196/18, a procijenjena vrijednost javne nabavke bez PDV-a je 7.700,00 KM. Obavještenje o nabavci objavljeno je na portalu javnih nabavki pod brojem 243-7-2-138/18 od 12.07.2018. godine. Poziv za preuzimanje tenderske dokumentacije u sistemu e-nabavke proslijeđen je na e-mail adrese ponuđača („Mibo Komunikacije“ d.o.o., „QSS“ d.o.o., „Verso“ d.o.o. i „Fixit“ d.o.o.) istovremeno sa slanjem obavještenja na Portal javnih nabavki dana 12.07.2018. godine. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke usluge mrežne i serverske opreme.

Komisija je blagovremeno i pravilno izvršila javno otvaranje ponuda dana 25.07.2018. godine i sačinila Zapisnik sa otvaranja ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće: da je blagovremeno pristigla ukupno jedna (1) ponuda („MIBO KOMUNIKACIJE“ d.o.o.), da nije bilo neblagovremeno zaprimljenih ponuda; da je pristigla ponuda ponuđača ocijenjena prihvatljivom u skladu sa tenderskom dokumentacijom. U postupku donošenja odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuda, te ocjenu, poređenje i rang listu prispjelih ponuda, shodno kriteriju najniža cijena. Za ovaj postupak nabavke je planirana e-aukcija. Pristigla je samo jedna prihvatljiva ponuda od ponuđača „MIBO KOMUNIKACIJE“ d.o.o. Sarajevo te u skladu sa pravilnikom o uslovima i načinu korištenja e-aukcije, ista se ne može zakazati.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač „MIBO KOMUNIKACIJE“ d.o.o. izabran primjenjujući kriterij najniže cijene koja je ponuđena u iznosu od **7.680,00 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 5 (pet) dana od dana prijema ove odluke.

ZAMJENIK PREDSJEDNIKA SUDA
Davorin Jukić

Ovim potvrđujem da je predmetni akt u potpunosti usklađen s važećim zakonskim, podzakonskim i internim aktima i aktima J. u. a. s. n. e. v. a. n.

Polpis: 

